



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Responsio Vniversalis Cleri Et Almae Vniversitatis
Generalis studij Coloniensis ad Appellationem pro parte
Reuerendißimi domini Archiepiscopi Coloniensis
interpositam**

Erzdiözese Köln

[Köln], [1545]

[Text]

urn:nbn:de:hbz:466:1-35055



N NOMINE

DOMINI AMEN. TENORE PRÆSENTIS PV-

blici instrumenti cunctis pateat euidenter, & sit notum, quòd anno à natiuitate eiusdem domini nostri Iesu Christi, Milleſimo quingentesimo quadragesimo quinto, Indictione tertia, die quidem uicesimaprima mensis Iulij. Pontificatus sanctissimi in Christo patris, & domini nostri, domini

Pauli diuina prouidentia Papæ tertij anno eius undecimo. Imperij autem sacratissimi & inuictissimi principis & domini, domini Caroli, huius nominis quinti Romanorum Imperatoris semper Augusti, ac Hispaniarum regis Catholici etc. domini nostri clementissimi, anno uicesimo quinto. In Reuerendorum illustrium ac uenerabilium egregiorum & honorabilium dominorum primarij & secundarij totiusq; uniuersalis Cleri, necnon Recloris & delectorum ex alma Vniuersitate studij generalis inclitæ ciuitatis Colonien. meiq; Notarij publici, ac testium infra scriptorum, ad hoc uocatorum & rogatorum præsentia personaliter cõstitutus prouidus uir magister Henricus de Vuilshusen, prætaclæ Vniuersitatis studij Coloniensis Pedellus iuratus, necnõ præfatorum dominorum prelatorum, & capituli Metropolitanæ, omniumq; & singularum aliarum Ecclesiarum collegiatarum, ac Monasteriorum & piorum locorum, totiusq; & uniuersalis primarij & secundarij Cleri. Necnon etiam prædictorum dominorum Recloris & totius uniuersitatis generalis studij ciuitatis Colonien. partium suarum principalium Syndicus siue procurator legitime cõstitutus, de cuius Sindicatus, siue procurationis mandato mihi Notario publico infra scripto legitime constabat & constat. Eoq; nomine Sindicatorio siue procuratorio sonora uoce in medium proposuit, dixit, & enarrauit. Qualiter ante certos dies elapsos: Reuerendissimus & illustrissimus dominus noster Archiepiscopus Colonien. princeps elector etc. quandam. Appellationem per gratiam suam interpositam prænominatis dominis & partibus principalibus per Notarium publicum in præsentia testium insinuari fecerit. Cui quidem Notario insinuanti. Præfati domini de Clero, & Vniuersitate, post aliqualem inter se deliberationem habitam, in curia gratiæ suæ Reuerendissimæ Coloniae in uico potius sita per honorabilem dominum Diethmarum Reynen Ecclesiæ sanctorum Apostolorum Colonien. canonicum & pastorem, eorundem dominorum de Clero & Vniuersitate suorum principalium Syndicum siue procuratorem, ad eandem appellationem interpositam,

fitam, & insinuatā responderunt, & se responderi fecerunt, prout & quem
admodum in quadam papyri scedula, quæ publice & intelligibili uoce coram
præfatis dominis de Clero & Vniuersitate lecta fuit, latius continetur & ha
betur. Dehinc præfati domini de Clero & Vniuersitate amplius deliberati
per organum præfati eorum Sindici ad eandem Appellationē insinuatam re
sponderunt, prout in quadam papyri scedula continetur, cuius tenor de uerbo
ad uerbum inferius proximè est insertus. Petens sibi de super tam pro se, quam
etiam dictis dominis & partibus suis principalibus unum uel plura, publicum
uel publica fieri atq; confici instrumentum & instrumenta in meliori forma.
Acta fuerunt & sunt hæc in loco capitulari Metropolitanæ Ecclesiæ Co
lonien. sub anno domini, Indictione, mense, die, Pontificatu & Imperio præ
dictis, Præsentibus ibidē honorabili & discretis uiris domino Mathia Vual
beck, uicario dictæ Metropolitanæ Colonien. Ecclesiæ, & Casparo Ge
uuer de Confluentia Clerico Treuerensis Diocœsis testibus ad præmissa uo
catis & rogatis. Tenor papyri scedula responsionis, de qua præfertur, sequi
tur, & est talis: **CVM NOS ANNO** Millesimo quingentesimo qua
dragesimo quarto, die Iouis nona mensis Octobris, à quibusdam planè irreligi
osis & illicitis præsumptionibus & nouationibus in eersionem & concula
tionē nostræ prisçæ, ueræ, Christianæ & Catholicæ Religionis per Re
uerendissimum dominum nostrum, dominum Hermannum Archiepiscopum
Colonien. principem electorem, etc. perfidorum & leuissimorū hominum cons
ilio & impulsu attentatis, & ab eo tempore per hanc inçlytam Diocœsim,
propellentibus & urgentibus eisdem hominibus huius mali incentoribus, lon
gè lateq; propagatis, omnibus sanè orthodoxis, Catholicæq; & Apostoli
cæ fidei cultoribus omnino intolerabilibus non temere, sed extrema adacti ne
cessitate (eo quòd apud præfatum Reuerendissimum dominum nostrum nullæ
nostræ toties fusæ supplices preces, nullæ informationes seu Antididagma
ta, quamlibet iure diuino & humano subnixæ, ad flectendam gratiam suam in
saniorē sententiam quicquā ualere potuerint) ex longè sanctissimis, iustissis
mis, & æquissimis causis, pro nobis, omnibusq; alijs, nobis in hoc tam pio com
munis Religionis negotio adherentibus & adhæsuris, ad sanctissimū in Chri
sto patrem & dominū nostrum, dominū Paulum sanctæ Romanæ & uniuers
salis Ecclesiæ Pontificem maximū, sanctamq; sedem Apostolicam, (à qua
hæc Ecclesiæ Colonien. fidei rudimenta suscepit) necnon ad inuictissimum,
sacratissimumq; principem & dominum, dominum Carolum diuina fauente cle
mentia Romanorum Imperatorem Augustum, gloriosissimum & Catholi
cissimum, uti Ecclesiæ & Religionis nostræ sacrosanctæ supremum à Deo
constitutum aduocatum & protectorem, & eorum, quæ in Religione hæde
nus catholicè definita sunt, uerum & principalem executionem, etc. præfati
quidem

quidem Reuerendissimi domini nostri, post Deum summos & nostros clementissimos dominos coniunctim & diuisim, & prout ad officium alterutrius hæc causa & illius executio pertinet, ritè & legitime appellauerimus. Eandemq; Appellationem præfato Reuerendissimo domino nostro, prout de iure insinuatam ulterius memorato sanctissimo domino nostro, necnon sacratissimæ Cæsareæ Maiestati humillima cum instantia præsentauerimus, seu per nostros legitimos Syndicos præsentari fecerimus. Ipsiq; tam summus Pontifex, quam inclytus Imperator singuli, prout se concernit, eandem clementissime receperint. Ac etiam Imperatoria Maiestas eiusmodi Appellatione nostra, ut præmittitur, recepta, nobis de super legitimum citationis & inhibitionis mandatum, necnon suæ Maiestatis Imperialis tutelæ & protectionis literas sub grauissimis ac debitis pœnis per nõ obtemperantes eo ipso incurrendis decreuerit, ita quod præscriptæ Appellationi nostræ iam dudum manus principum (ad quos appellatum & negotium ritè deuolutum est) sint appositæ, & præsertim Cæsareæ Maiestatis, in cuius potestate & Reuerendissimus, & omnes sui subditi existunt. Quapropter ex his, quàmplurimisq; alijs iustis & rationabilibus de causis, non possumus prætensæ Appellationi Reuerendissimi domini nostri, nobis dudum insinuatæ (quæ nihil aliud censenda est, nisi libellus plenus comitijs & iniurijs pro libidine scriptoris innocentes, & optime de Reuerendissimo meritis illiberaliter, ne quid durius dicamus, congestis. Nihil insuper solidi, nihil fundati, ad finem illum, quem spectat, continens) quouis modo deferre, sed eam simpliciter prout meretur refutamus, & loco ulterioris responsionis nostræ præscriptas literas Imperialis tutelæ & protectionis transumptas præfato Reuerendissimo domino nostro per Syndicum nostrum insinuari mandamus. Requirendo gratiam suam Reuerendissimam summo, quo possumus, serio & instantia, ut eisdem in omnibus, & per omnia præter omnem ulteriorem dilationem, realiter & cum effectu pareat, nisi uelit tam grauissimas pœnas, quas suæ Reuerendissimæ gratiæ Cæsareæ Maiestas alioqui interminatur (quod absit) incidere. Protestamur quoq; nos ipsa necessitate adigendos (nisi tamen gratia sua Reuerendissima præscriptis literis, ut præfertur, semel paruerit) ut prædictam Appellationem nostram omni diligentia, non aliter quàm prout de iure prosequamur, pro cõseruatione catholici fidei & Religionis nostræ, quam à Diuo Petro acceptam, & tot centenarijs annorum in hac Ecclesia per manus traditam & custoditam deserere nunquam poterimus.

Et